

ПРИЛОЖЕНИЕ

СОБРАНИЕ НЕКОЕГО СТАРЦА

ГПБ, Софийское собрание, № 1451, сборник, в 4-ку, первая четверть XVI в., полуустав и полуустав, переходящий в скоропись, разных рук, лл. 98—102 об.

Събрание некоего старца на въспоминание своего л. 98
обещаниа от святаго писаниа. О отвержении мира,
яко же пишет в жизни святаго Савы

Въдав себе богови и вручив ся честному житию, и печатлев свою душу целованием святаго Еуангелиа пред многими послухы, и прикоснувся десною рукою на поручение честнаго послушания к своему игумену, — и сицевыми делесы и словесы Великий Сава душу их кормяше и напояти не престаше, и крыла им даяше, и летати их учааше, и выше небес въсходити их поучаше.

Еуангелиа от Матфеа 39, зачала 69, 79, || в Марке 45, в Луце 49 и л. 98 об.
77 и 91. А в Апостоле зачала 40. И в правилех, иже на римляны, в слове 80 от Петра апостола: Софиа и с нею 160 жен приаша житие удаление от мирских вещей, апостол же тех острищи повеле и в сукняны ризы черныя одяти их, и поясы ременныя поясати о чреслах. И рече апостол: Аще кто хошет въздержатися легок на высоту быти изменою, да идет на особная места тихая, да ту празнует молитвами и алканием и почитанием ума и очищением. И в Апостоле зачала 67, 75, 176, 181, 215, 238, 244, 245, 257, 292, 296, 330, 331. И в Василии Великом слово 5, || 6, 7, и л. 99
в Слове о отвержении мира и съвершении духовнем, в нем же и о учителе непрелеснем по бозе учащем, а не по человеческому угожению. И в правилех Великаго Василиа правило 84: Аще кто не по Еуангелию хошет жити, мы с такыми не хоцем погыбнуть, но спасая, спасет душу свою.

И все святии отци о отвержении мира писаша: иноком жити по Еуангелию и по Апостолу и по Великому Василию — сел не держати, ни владети ими, но жити в тишине и в безмолвии и питаяся своими руками. И аще ли не удовлимся сим, подобает у христороубцев милостыня приимати || нуж- л. 99 об.
ная, не излишнее, ни села, ни многоаго богатства (а сие и мирским чюже есть — уповати на богатство, а не на бога) и не внимати человеческим обычаем и сим попирати святая писаниа. Аще ли же не хранят своего обещаниа, сим святая писаниа муками претит и огню вечному осужает и отступники их именует и проклятию их предает.

Аще ли кто възглаголет: Преже сего монастыри держали земли, — сиа убо ложь, а не истинна. Но прежнии вси святии началнии отци сел у монастырей не держали: ни Пахомей Великий, ни Ларион Великий, ни Са||ва Великий, ни Ефимей Великий, ни Феодосей Великий, ни Семион л. 100
Чюдодворец, иже на Дивней горе, ни Афонасей Афонский, ни Феодор Студиский, ни иным прежнии началници сел у монастырей своих не имели. Аще кто и давал им села, и они не имали мятежа ради, но хотяху жити безмолвно и тихо по Еуангелию и по своему обету, как ся обещали в своем постригании пред многими послухи.

Тако же и Рускыя земли здешныи наши началници и чюдотворцы: Антоний и Феодосий Печерский, иже в Киеве, и чюдотворецъ Сергей Радоне||ский, и Кирил Белозерский, и Варлам Новгородский и Деонисей л. 100 об.
Глушиский, и Дмитрий Прилутский, и Павел Комельский — те все святии отци и чюдотворци сел не держали и не имали, но жили по Еуангелию и по иноческому обещанию. Понеже села держати подобает епископом у съборныя церкви нищих ради и убогих,